



**Rvperti Ab||batis Monasterii || Tvitiensis Ordinis S.
Benedicti The||ologi antiqui, Opera duo, ut egregia sanè,
ita diu desiderata, multoq[ue] || labore perquisita, ac
sumptu haud ita modico ...**

Rupert <von Deutz>

Colonia, M. D. XXVI.

VD16 R 3796

Alia s[entent]ia de si[mi]litudine noue[m] ordinu[m] angeloru[m] &
noue[m] charismatu[m] sp[irit]us sancti, quæ s[ecundu]m Ap[ostolu]m
ho[min]ibus data sunt, dicente[m], alij quide[m] per sp[iritu]m ...

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)

quos uerbo tangunt, ardere protinus in dei amore faciunt. Qui ergo ita ad amorem sui conditoris inflammati sunt, quo nisi inter Seraphin sortem suae uocationis acceperunt.

¶ Responsio ad illos qui dicunt, quod de singulis ordinibus multitudines ceciderunt, quonia secundum illam sententiam beati Gregorij et hominibus alijs in illi et alijs in illi ordine sint assumpti siue assumendi. Cap. XVII.

Dum haec dicit, scilicet ex hominibus alios in angelorum, alios in archangelorum numero deputari, alios inter supernas uirtutes, alios inter coelestes potestates, alios inter principatus, alios inter dominationes, alios inter thronos, alios inter Cherubin, alios inter Seraphin, accipere sortem suae uocationis nonnulli solent asserere, quod de singulis ordinibus multitudines ceciderint, quos et idem in singulis ordinibus ruinae debeant ex hominibus reparari. Quid ad haec dicere potuimus aut possumus? Hoc enim pertinet ad rationes illas, de quibus scriptum & supra memoratum est. Numquid nostri ordinem caeli, aut ponas rationes eius in terra? Dicimus ergo. Si de scriptura qualibet canonica, confirmare possent opinionem illam, qua praeuenti sunt, dicentes, angelos siue spiritus illos mox ut creati sunt in suis ordinibus constituisse, moxque & illos cecidisse, & istos in gradibus suis perstitisse, concedendum esset opinioni illorum. Nunc autem non ita est. Nulla enim scriptura canonica opinioni illi suffragatur, immo & prophetica ueritas apud Ezechielē oppido refragatur, ut longe supra memorauimus. Proinde recte e contra quaerimus. Quid illi spiritus beati remunerationis acceperunt pro eo, quod peccantibus apostaticis spiritibus, ipsi peccare noluerunt? Si enim iam tunc erant ut nunc sunt in ordinibus suis stabiliti atque perfecti angeli, archangeli throni, dominatores principatus, potestates, uirtutes, Cherubin, atque Seraphin, quomodo exinde tam multi cadere potuerunt? Verbi gratia. Si erant in ordine Seraphim, id est, eorum angelorum qui diuini amoris igne ardent, siue incendunt, quomodo inde excidere potuerunt? Immo quomodo unquam illius amoris dulci ardore aruisse putandi sunt? Verius ergo & rationabilius hoc dicimus, quia in remuneratione pro eo, quod non peccauerunt, & creatori suo subijci maluerunt, ordines illos acceperunt, quos habent nunc, in hoc ipsum ordinati uerboque domini & spiritu oris eius firmati, ut amplius cadere, id est peccare non possint sicut lapides supra memorati, auro astricti, tenentur in ordinibus suis dispositi secundum scientiam artificis, ligando ordinati, ordinando ligati, ut excidere non possint, nec aliud doctoris supra dicti sermo bene perspectus recipere nos compellit.

¶ Alia scientia de similitudine nouem ordinum angelorum et nouem charismatum spiritus sancti, que secundum apostolum hominibus data sunt, dicentes: alij quidem per spiritum datur sermo sapientiae, et cetera. Caput. XVIII.

Nunc iam, quia sermo idem nos laetificauit secundum speciem quam dominus ipse fundauit dicens, aequales enim sunt angelis, cum sint filij resurrectionis: quia (inquam) sumus eiusdem nouem ordinibus disponendi, perpulchrum est considerare, quia quot sunt illic a spiritu oris domini ornamenta caelorum, tot sunt hic in hominibus sanctis ab eodem spiritu diuisiones gratiarum. Sic enim ait apostolus. Vnicuique autem datur manifestatio spiritus ad utilitatem: Alij quidem per spiritum datur sermo sapientiae, alij autem sermo scientiae secundum eundem spiritum. Alteri fides in eodem spiritu, alij gratia sanctorum in uno spiritu, alij operatio uirtutum, alij prophetia, alij discretio spirituum, alij generalis linguarum, alij interpretatio sermonum. Haec autem omnia operatur unus atque idem spiritus, diuidens singulis, prout uult. Hoc ergo qui proppendit, scilicet electionem ex hominibus tot esse charismatum uarietate ornatam, quot ordinibus illos beatos spiritus constat esse distinctos: potest etiam apte secundum eadem charismata conijcere, qui uel quales homines, quibus aut cuius ordinis angelis similes debeant existimari. Denique qui habent interpretationem sermonum, ut saltem in una lingua possint enunciare sensum scripturarum ad utilitatem audientium, nonne angeli sunt? Labia enim sacerdotis (ait dominus in Malachia) custodiunt scientiam, & legem requirunt ex ore eius, quia angelus domini exercituum est

Quiaque

Iob. 38.

Ezech. 28.

Remuneratio angelorum.

ab eodem spiritu datur

Luca. 20. Diuisiones gratiarum tot sunt, quot ordines angelorum. I. Cor. 12.

Qui homines in quibus angelorum ordines recipiunt.

Malach. 2.

Qui autem etiam genera linguarum acceperunt, ut hoc ipsum non una tantum lingua, uerum etiam uariis linguis efficere possint, & de gente in gentem transferre ac dilatate uerbum dei, quod maxime sanctis datum est apostolis, non merito dicuntur & sunt archangeli? In discretionem spirituum, nimirum dignitatem iudicariam recte intelligis, quod iure uocentur throni, eo quod de spiritibus, deo in ipsis praesidente, iudicare nouerint, iuxta illud. Nolite omni spiritui credere, sed probate spiritus si ex deo sunt. In gratia prophetica non incongrue dominationum agnoscitur autoritas, quia profecto regibus quibusque prophetarum dominati sunt, maximeque Helias & Heliseus, nam Heliseo quoque clamauit rex, pater mi pater mi, curus Israel & auriga eius, ceterisque regibus prophetarum dominati sunt, & maximo prophetarum Moysi dictum est, ecce constitui te deum Pharaonis. Fides nonne principatum meretur? Denique & Abraham & Isaac & Iacob & Dauid propter fidem siue iustitiam fidei patriarcharum, id est patrum principes, nominati sunt, & Petrus quoque apostolus ob excellentiam fidei principum apostolorum nominari meretur. Ergo & omnes quorum fides preclarior habetur, recte principatus nominantur, & ipsi fratribus suis siue ecclesiis Christi principari, id est, praeside digni habentur. Gratia sanitatum & operatio uirtutum hoc maxime differunt, quod gratia sanitatum circa infirma corpora expenditur, siue per impositionem manuum, siue per alium quemlibet modum; operatio uero uirtutum extrinsecus exhibetur in rebus exterioribus, in elementis huius mundi, sicut maxime factum est per manum Moysi, qui circa corporum sanitatem ferre hoc solum fecisse legitur, quod Mariae sororis suae lepram sanauit. Quibus ergo gratia sanitatum data est, nonne inter potestates, & quibus operatio uirtutum data est, nonne iure reputantur inter uirtutes? Porro quibus sermo scientiae, ipsi sunt tanquam Cherubim: & quibus sermo sapientiae datus est, ipsi sunt tanquam Seraphim. In illa gratia maxime apostolus Paulus claruit, habuit enim scientiam non solum dei, uerum etiam seculi: in ista uero Iohannes dilectus domini, cuius sermo totus uersatur circa charitatem quae uera sapientia est, & auditores intendit accedere igne amoris dei secundum ipsum uocabulum Seraphim.

I. Iohan. 4.

4. Reg. 13.
20. Ecl. 7
Roma. 4

Nume. 12.

Beo quod apostolus dicit, nusquam enim angelos apprehendit sed semen Abrahae apprehendit. Cap. XIX.

Hebrae. 2



De illud quod idem apostolus dicit, nusquam enim angelos apprehendit, sed semen Abrahae apprehendit. Quorsum istud? Diximus enim longe superius, quia nobis hominibus duobus modis datur spiritus sanctus, altero, quod est in remissione peccatorum; altero, quod est in diuisionibus gratiarum. In sanctos autem angelos uero modo, scilicet in diuisiones gratiarum, larga dignatione effusus est. Nam ut in remissione peccatorum nunquam detur spiritibus apostaticis, iudicium uerum fuit, & est eiusdem spiritus sancti. Ut ergo, quantum creatori debeas, homo perpendas, & causam tuam melius ipse discernas, adde quod nusquam angelos apprehendit, sed humanam de semine Abrahae naturam apprehendit tali apprehensione, ut autor salutis tuae dignaretur per passionem mortis consummari. Quota in hoc est portio debiti tui debitae gratiarum actionis? Angelos & creauit, & eos qui non peccauerunt magnificauit: te autem & creauit, & cum uniuersus in Adama peccauisses iustificauit, & insuper magnificauit. Iustificauit (inquam) dato illo spiritus sancti, quod est remissio peccatorum, quo electio creaturae angelicae quia non perierat non indignum: magnificauit alio dato eiusdem spiritus sancti quod est diuisio gratiarum, quo in primis illos coelestes spiritus ornauit siue magnificauit. Angelos itaque deus est, tibi autem idem deus est & pontifex: simul uero & angelorum & hominum rex, unus idemque dei filius est. Cum haec ita sint, putas ne plura in altari peccatoris tui ligna quam angelus habes ad nutriendum ignem diuini amoris? Scriptum est enim in sancta ac mystica lege domini. Ignis in altari semper ardebit, quem nutriet sacerdos subiiciens mane ligna per singulos dies. Igne denique ligna subijcere, est commemorationem beneficiorum sanctae trinitatis iugiter habere, & propter haec in amorem eius magis ac magis proficere, & interim ardere aliquantisper donec ueniat id quod perfectum est, sicut in Esaiam scriptum est. Dixit dominus, cuius ignis est in Syon, & caminus eius in Hierusalem. Syon namque praesens ecclesia est, Hierusalem autem illa superna ciuitas, id est, sanctorum angelorum uniuersitas, de quibus nobis haec tenus sermo est. Ergo ignis domini est in Syon, & caminus eius in Hierusalem, id est, abundantia diuini amoris quae illic est.

Maximus de bitor dei, ho.

Leuit. 6

Esai. 57.